



GUGGAMUSIG BLEANDASTÖBER

*Vo wo Pfeffer und Salz da Nama hond kennid mör etz genau,
letscht Jahr honds en sich verdient mör wüssids und send schlau.
Dass d'Rechnig ziemlich salzig isch mör leggid uf da Tisch,
wenn bim Tör-zuapfeffera d Handorgla halb verussa isch.*

*Dass zwüschet Gmoand und Schual a Fahrverbot tuat bestoh,
wüssa wends nöd alli, aber ma häts a mol vernoh.
Neu isch etzt an Pfosta döt, dä findets gärnöd nett,
5 mol honds en umtoa, besser wär a Nagelbrett.*

*D'Bäckereia i da Gmoand, fliessig sends am renoviera,
d'Öffnigszita bliebed glich, do wends nüüd neus probiera.
Währad dära Zit hond d'Kunda müssa Lärm und Dräck erdulda,
ma frogt sich was meh Bauschutt hät, im Brot oder ida Mulda.*

*D'Strossabauer i üsera Gmeind schätzid mör doch sehr,
segs Kluser, Bädaras Dietsche oder Schanzabau-Turnheer.
Wennd on vo ena ahstellsch send d'Strossa zwor nöd grad,
daför keisch am Strossarand in Eichberg nöd meterwit dorab.*

*Oberriet und USA überall werd gwählt,
mit Botoxlippa und Toupet honds d'Bevölkerig quält.
Bim zwota Wahlgang send uf da Plakat nuno Glazlis gsi,
zum Glück isch dia Vogelschüchusstellig endlich mol verbi.*

*D'Sunnabräu hät Jubiläum es send meh als 100 Jahr,
und öffnat am Brauifäscht wieder mol ihri Tor.
Uf d'Fläscha honds klebt Etiketta mit ma Rubbellos,
d'Chance uf an Lottosechser isch tusig mol so gross.*

*Wend z'Oberriet is Krüz gosch redids Polnisch kunnsch nöd druss,
s'Problem i üsera Gmoand, d'Beiza dia gond us
Im Kobelwald häts Tuba gnoh da isch doch gär nöd gsund,
Und z'Kriessera näbat am Sterna wohni schients an dumma Hund.*

*Da Traum vo jedam z Oberriet a Idylle noch am Rhii,
a wunderschös Hüsli, da Garta isch da schönste gsi.
An pinka Bagger isch denn ko, hät am Hüsli s'Leba gnoh,
hoptsach da verlottarat Schützstand gegenüber loht mer stoh.*

*Dia aerobisch Damariega vom TSV Muntlaga,
Hät i däm Jahr am Sportfäscht a Goldmedailla ka.
Da Manna laufts halt nöd aso drum kommid zum Entschluss,
liaber kämpfid um da Promillewert und nennid sich aktiv plus.*

*Da Veloflicker Stieger rüaft us sini Palma seg verschwunda,
ma woass all no nöd wo si isch, es het si neamat gfunda.
I wüar amol bim Oesch go froga döt kund d'Polizei is stuuna,
er kas mit Pflanza huara guat, er het an grüana Duuma.*



GUGGAMUSIG BLEANDASTÖBER

*Vo wo Pfeffer und Salz da Nama hond kennid mör etz genau,
letscht Jahr honds en sich verdient mör wüssids und send schlau.
Dass d'Rechnig ziemlich salzig isch mör leggid uf da Tisch,
wenn bim Tör-zuapfeffera d Handorgla halb verussa isch.*

*Dass zwüschet Gmoand und Schual a Fahrverbot tuat bestoh,
wüssa wends nöd alli, aber ma häts a mol vernoh.
Neu isch etzt an Pfosta döt, dä findets gärnöd nett,
5 mol honds en umtoa, besser wär a Nagelbrett.*

*D'Bäckereia i da Gmoand, fliessig sends am renoviera,
d'Öffnigszita bliebed glich, do wends nüüd neus probiera.
Währad dära Zit hond d'Kunda müssa Lärm und Dräck erdulda,
ma frogt sich was meh Bauschutt hät, im Brot oder ida Mulda.*

*D'Strossabauer i üsera Gmeind schätzid mör doch sehr,
segs Kluser, Bädaras Dietsche oder Schanzabau-Turnheer.
Wennd on vo ena ahstellsch send d'Strossa zwor nöd grad,
daför keisch am Strossarand in Eichberg nöd meterwit dorab.*

*Oberriet und USA überall werd gwählt,
mit Botoxlippa und Toupet honds d'Bevölkerig quält.
Bim zwota Wahlgang send uf da Plakat nuno Glazlis gsi,
zum Glück isch dia Vogelschüchusstellig endlich mol verbi.*

*D'Sunnabräu hät Jubiläum es send meh als 100 Jahr,
und öffnat am Brauifäscht wieder mol ihri Tor.
Uf d'Fläscha honds klebt Etiketta mit ma Rubbellos,
d'Chance uf an Lottosechser isch tusig mol so gross.*

*Wend z'Oberriet is Krüz gosch redids Polnisch kunnsch nöd druss,
s'Problem i üsera Gmoand, d'Beiza dia gond us
Im Kobelwald häts Tuba gnoh da isch doch gär nöd gsund,
Und z'Kriessera näbat am Sterna wohni schients an dumma Hund.*

*Da Traum vo jedam z Oberriet a Idylle noch am Rhii,
a wunderschös Hüsli, da Garta isch da schönste gsi.
An pinka Bagger isch denn ko, hät am Hüsli s'Leba gnoh,
hoptsach da verlottarat Schützstand gegenüber loht mer stoh.*

*Dia aerobisch Damariega vom TSV Muntlaga,
Hät i däm Jahr am Sportfäscht a Goldmedailla ka.
Da Manna laufts halt nöd aso drum kommid zum Entschluss,
liaber kämpfid um da Promillewert und nennid sich aktiv plus.*

*Da Veloflicker Stieger rüaft us sini Palma seg verschwunda,
ma woass all no nöd wo si isch, es het si neamat gfunda.
I wüar amol bim Oesch go froga döt kund d'Polizei is stuuna,
er kas mit Pflanza huara guat, er het an grüana Duuma.*